

十七

陳漢章

一

陳漢章，字伯弢，一字倬雲，浙江象山人，生於同治二年，副貢舉人。受業德清俞曲園，與章太炎同門，均爲俞氏高足。長經史考據之學，歷任北京大學教授，中央大學教授，史學系主任。羅家倫撰傅斯年行狀，曾敘及其師陳氏之學，稱道不置。

伯弢爲象山世家，父紹堯，茂才，課子甚嚴，故幼秉庭訓，博覽羣籍，六十年如一日。記憶力特強，過目不忘。師生朋友質疑，隨問隨答，不加思索。在北大授課時，每以筆代口，於黑板上書字，洋洋千萬言，俱出自記憶，從不帶鈔本，諸生退課，查對原書，無一字錯誤者，因有『兩腳書櫥』之綽號。

二

伯弢胞弟奮，字宇香，亦通經學，兼擅詞章，成進士，供職吏部，而伯弢則澹泊名利，專心治學，絕意仕進。同年友湯壽潛屢薦於政府，均婉辭。前京師大學堂總監督劉廷琛慕其學行，聘爲教習，則謙辭不就，願入校爲學生，一時傳爲佳話，劉氏嘉其志許之，每於點名，必表示敬意。時教授有桐城姚永樸，永樸，吳縣胡玉綰，均一時之彥，每講時輒問伯弢曰：「此說對否？」

畢業後，校長何燏時之父，亦素敬其學，特函燏時聘爲教授，在北大任教十六年，以年老辭，南返故里，中央大學特派代表赴象山邀請，辭不獲，又任中央大學史學系主任六年。綜其一生精力，完全貢獻於文教矣。

三

伯弢任教北大，校長蔡元培每遇日本漢學家來校訪問時，必邀其列席，以備諮詢，其他學人有關學術上之著述請蔡氏作序者，亦多屬伯弢評閱並代爲序，其見重者如此。

鄧縣張壽鏞刊「四明叢書」，及爲其父編「困學紀聞校刊」，亦就正於伯弢，爲補正之處甚多。學部尙書唐春卿好著述，每有疑問，必來請益，王先謙著「漢書補注」，柯鳳蓀著「新元史」，馬其昶著「大學中庸論孟注解」，丁謙著「地理」，亦時專函質疑，伯弢則一一條答，毫無隱秘。姚永樸自謂於說文音韻之學有志未逮，問教於伯弢，則爲著「文字學概論」都七千言以報之。靳春黃侃同時掌教北大，深佩伯弢淹博，不以同事相待，執弟子禮甚恭。

四

伯弢一生著述一百餘種，三十歲時，有「綴學堂初稿」，七十歲時，有「綴學叢書十種」，均爲木刻，親自校對。嘗謂：『學問與時俱進，前撰之稿，後覆核，每須更正，故凡著作，應由後人代印爲妙。』因此未刊之稿甚多。

伯弢藏書甚富，且多爲熟讀之籍。病歿前，悉出其所藏付與象山東陳村之藏書樓，供衆閱覽，惠被士林，抑更多也。以民國二十七年夏月病歿故里。國民政府以

其爲一代經師，頒令褒揚，稱爲「浙江名儒」。學術界失此大師，識與不識，莫不同聲悲悼也。

